



太平御覽卷第二百

封建部三

以公相封

功臣封

以公相封

漢書在恩澤表魏氏群臣封拜見此篇也

漢書曰高祖撥亂誅暴庶事草創行賞授位以能為次叙至于孝武元功宿將略盡上亦與文學進拔幽隱公孫弘自海濱而登宰相自是之後宰臣畢侯

又曰漢帝以列侯為丞相唯公孫弘無爵為丞相上於是下詔封丞相平津侯其後以為故事丞相封侯自弘始也又曰武帝時田千秋為高廟即上書訟衛太子寃上亦頗知太子惶恐感悟召千秋曰父子之間人所難言此高廟



神靈使公教我當遂為吾父拜千秋大鴻臚數月為丞相封富民侯

又曰朱博以丞相封二千五百戶上書故事不過千戶還千五百戶

魏志曰王朗字景興文帝即位授司空進封平鄉侯子肅嗣初文帝分朗邑封一子列侯朗乞封九子詳

又曰崔林為司空封陽安亭侯邑六百戶三公封列侯自林始也臣松之有為漢封丞相已為苟悅所譏魏封三公其不同矣

又曰曹爽以大將軍輔政封武安侯邑萬二千戶

又曰陳群以鎮軍錄尚書受遺進封穎陰侯

又曰何夔字叔龍為太子少傅太僕文帝踐祚封陽亭侯

三百戶病乞遜位詔曰以親則君有輔弼之勲以賢則君有淳固之茂

又曰劉放字子葉為中書監掌機密進封魏壽亭侯孫資為中書令封洛陽侯太和末資決策代公孫淵進左卿侯

遼東平定以參謀之功各封大縣放方城侯資中郡侯齊王即位以決定大謀並增邑子一人亭侯

又曰衛凱為漢侍中勸讚禪代之義為文誥之命文帝踐祚封陽告亭侯明帝即位進閔卿侯

又曰桓楷為尚書令封亭鄉侯及病文帝自臨省謂之曰吾方託六尺之孤寄天下之命卿勉之徒封安樂鄉侯

又曰胡質薨家無餘財唯賜衣書篋而已追封陽陵亭侯



又曰盧毓衛臻徐宣矯和洽常林杜襲裴儋韓暨高文惠  
王觀辛毗劉靖王基並以列卿尚書封侯  
又曰漢制凡人君特所寵念皆賜之封邑及丞相初拜亦  
錫茅土號曰恩澤出自於情非至公之封也中興以來無  
有封者

### 功臣封

周禮夏官曰司勲司勲掌六卿掌地之法以等其功王功  
曰勲國功曰功事功曰勞治功曰力戰功曰多克敵出奇  
若藜信陳  
者凡有功者銘書於王之太常  
史記曰古之人功有五品以德立宗廟定社稷以言曰勞  
用力曰功明其等曰閔積曰閔

又曰太公望文王立以為師文王作鄴邑天下三分有其  
二及武王克紂太公之謀居多於是武王封尚父於齊營  
丘成王時及管蔡作亂淮夷叛周乃使召康公太公東至  
海西至河南至穆陵北至無棣五侯九伯汝實征之齊由  
此得征伐為大國二十八世  
又曰邵公奭與周同姓武王又滅殷封召公於燕其在成  
王時自陝以西召公主之自陝以東畢公主之四十三世  
秦始皇滅之

又曰楚出自帝顓頊高陽之後高陽居火正為祝融其迺生  
陸終陸終子六人少曰季連之苗胤田疇子鬻子事  
周文王早卒當成王之中奉文武勤勞之嗣乃封其後熊



釋於楚以子男之國三十世至負芻而秦滅楚

又曰魏者畢公高之後畢公高與周同姓武王封之於畢其後曰畢萬事晉獻公代霍以滅魏之因以魏封畢萬為大夫卜偃曰畢萬之後必大萬登數也魏大名也以是始賞天啓之矣其後魏子並為晉卿至魏文侯為諸侯子武立與韓趙共滅晉而三分其地又七世至王假秦滅魏又曰韓與周同姓其後世事晉得封於韓原曰韓武子武子三世有韓厥從封姓為韓氏六世至景侯度始列為諸侯及孫哀侯與趙魏共滅晉三分其地八世至王安而滅秦韓

又曰趙氏之先與秦共祖造父事周穆王攻徐破之乃賜以趙城七世叔帶去周入晉趙氏五世而至趙夙夙生襄襄生盾並為大夫其後趙鞅是為簡子始大又四世而至列侯籍始立為諸侯三世至敬與韓魏共滅晉分其地又七世至幽王繆降秦而趙滅

又曰陳完者陳厲公他之子完後奔齊為田氏齊懿氏欲妻之卜之曰是謂鳳凰于飛和鳴鏘鏘有媯之後將育于姜八世之後莫之與京卒妻之完卒謚為敬仲六世而至田常田常殺齊敬公立簡公弟平乃割齊安平以東為已封封邑大於齊至增孫和遂遷齊康公於海上而田和立為齊侯五世至王建為秦所滅

又曰西戎與申侯伐周殺幽王驪山下為秦襄公將兵救



周避犬戎難東徙難邑襄公以兵送周平王平王封襄公為諸侯賜之岐以西之地於是始國與諸侯通

又曰樂毅下護趙楚韓魏燕之兵以伐齊破之追至于臨

淄濟湣王走保於莒樂毅獨留狗齊攻入臨淄書以寶貨

財物祭器輸之燕燕昭王大悅至親齊上芻軍行賞饗士

封毅於昌國號為國君

漢書曰項羽佯尊懷王為義帝實不用其命二月羽自立

為西楚霸王王梁楚地九郡都彭背約更立沛公為漢王

巴蜀漢中四十一縣都南鄭三分關中立秦三將章邯為

雍王都廢丘縣名今槐里是司馬欣為塞王常昭曰在長安東名桃林塞也都櫟

陽董翳為翟王文穎曰本上縣秦所置項羽更名為翟也都高奴楚將瑕丘申

陽為河南王都雒陽趙將司馬卯為殷王都朝歌當陽君

英布為九江王都六懷王柱國共敖為臨江王本南郡改為臨江國

都江陵藩君吳芮為衡山王都邾文穎曰邾音朱縣名故齊王建孫

田安為濟北王徙魏王豹為西魏王都平陽徙燕王韓廣

為遼王燕王藏荼為燕王都薊徙齊王田市為膠東王齊

將田都為齊王趙歇為代王趙相張耳為常山王也

又曰漢四年立韓信為齊王徙為楚王五年以九江王英

布為淮南王盧縮為燕王韓信為代王彭越為梁王

又曰克項八載天下乃平始論功侯者四十有三人時人

民散王公侯不過萬家封爵之誓曰使黃河如帶太山如

礪於是申以冊書之信重以白馬之盟藏諸宗廟副在有



司迨文景四五世間流民既歸戶曰亦息列侯大者三四萬戶小國自陪其後子孫驕恣忘其先祖之艱難多陷法禁訖于孝武後元之年靡有孑遺

又曰漢封功臣張良未嘗有戰鬪功高帝曰運籌策帷幄中決勝千里子房功也乃封良為留侯與蕭何俱封六年已上封大功臣二十餘人其餘日夜爭功未決未得行封上在雜陽南宮從復道如淳曰上下有道故謂之復也常昭曰問道也望見諸將往往相與坐沙中語上曰此何留侯曰此謀反耳上曰為之奈何留侯曰上平生所憎群臣所共知誰最甚者上曰雍齒數嘗窘辱我留侯曰今急先封雍齒以示群臣於是上置酒封雍齒為什方侯皆曰雍齒且侯我屢欲殺之

又曰高祖以蕭何功最盛封為酈侯所食邑多功臣皆曰蕭何未嘗有汗馬之勞反居臣等上何也帝曰諸君知獵乎追殺獸者狗也至於發縱指示獸處者人也今諸君徒能得獸耳功狗也至如蕭何發縱功人也且諸君獨以隨我多者兩三人何舉宗數十人皆隨我功不可忘也皆曰陽侯曹參身被七十創攻城略地功最多宜第一酈君進曰群臣議皆誤陛下雖亡山東何常全關中以待陛下此萬世之功奈何以一旦之功而加萬世之功哉蕭何第一曹參次之上曰吾聞進賢受上賞蕭何功雖高得酈君乃益明封酈君故所食五縣內侯邑封為安侯又曰高祖封項羽為西楚霸王人為列侯賜姓劉氏



又曰項羽被十餘創所克漢騎司馬呂馬童曰若非吾故人乎馬童面之指王羽曰此項王也羽迺曰吾聞漢搆我頭千金邑萬二千是公得之乃自剄王翳取其頭亂相蹂躪爭羽相殺者數十人最後楊喜呂馬童呂勝楊武各得一體故分其地以封五人皆為列侯

又曰陳豨反上自至邯鄲喜曰豨不南據阻漳水吾知其無能為矣上令周昌選趙壯士可令將者見因四人上嬖罵曰豎子能為將乎四人慙皆伏地上封各千戶以為將又曰淮陰侯韓信舍人樂說告信反封順陽侯

又曰文帝詔曰方大臣諸呂迫朕狐疑皆止朕唯中尉宋昌勸朕朕已得保宗廟已尊昌為衛將軍其軍昌為壯武侯

又曰韓王信入匈奴與太子俱至顏當城生子因名顏當至孝文時降封弓高侯顏當孽孫媽貴華顯當世媽弟說以校尉攻匈奴封龍額

又曰景帝時封功臣衛綰直不疑等十九人綰封建陵侯不疑塞侯

又曰張賀為掖庭令而宣帝以皇曾孫時收養掖庭恩甚密焉及宣帝即位而賀已死宣帝追恩乃封其家為恩德侯置守家二百人

東觀漢記曰光武功臣鄧禹等二十八人皆為侯餘功臣一百八十九人



又曰李通上司空印綬以特進奉朝請久之有司奏請付諸皇子上感通道創大謀曰封通少子稚為邵陸侯

又曰建武二年定封景丹櫟陽侯上謂丹曰今關東故王國雖數縣不過櫟陽萬戶富貴不過故鄉如衣錦夜行故以封卿

又詔封竇融曰行河西五郡大將軍涼州牧張掖屬國都尉竇融執志忠孝扶微救危仇疾反虜隗囂率厲五郡精兵羗胡畢集兵不血刃而虜土崩瓦解解功既大矣篤意分明斷之不疑吾甚加之其以六安豐陽原蓼安凡四縣封融為安豐侯

又曰三輔豪傑入長安攻未央宮杜虞殺莽於漸臺東海

公賓就得其首傳詣宛封猾侯

又曰申屠公志以功封汝陰王上書以非劉氏還玉璽改為潁陽侯

又曰班超定西域五十餘國乃詔封為定遠侯

後漢書曰單超五綰徐璜且瑗唐衡桓帝時共誅梁冀同日封侯謂之五侯於是朝廷日亂超死之後其四侯轉橫天下之為語曰左迴天具獨坐徐卧虎唐兩隋

魏志曰夏侯淵字妙才以功封博昌亭侯

太祖下令曰淵虎步關右所向無前仲尼有言吾語爾俱不如也後戰死黃初太和中賜淵子五人皆爵關內侯又曰吾起義兵誅暴亂於今十九年所征必剋豈無功哉



乃賢士大夫之力也天下雖未悉定吾要與賢士大夫共  
定之而專饗其勞苦何以安焉其保定功行封於是大封  
功臣二十餘人皆為列侯其餘各以次受封及復死事之  
孤輕重各有差

又曰曹洪字子廉以功封也侯文帝時坐事削明帝即位  
更封樂成侯

又曰曹沐字文烈自荊州北歸太祖曰此吾家千里駒也  
文帝錄前後功封為東亭侯

又曰曹真字子丹以功封邵陵侯真少舉宗人尊卿人朱  
讚並事太祖尊早亡真愍民之乞分食邑封尊子等詔曰  
大司馬有叔向撫孤人之仁晏平久要之分聰分賜尊等

子爵關內侯及真薨明帝悉封真五子皆列侯

又曰太祖自柳城還稱荀攸前後謀謨曰昔高祖使張子  
房自擇齊三萬戶今孤亦欲使君自擇所封

又曰太祖見賈詡執手曰使我信重於天下者子也表為  
執金吾封都亭侯文帝即位又封詡小子訪為列侯

又曰郭嘉字奉孝及冀州平封齊陽亭侯及薨太子表曰  
臣策未決加輔成之平定天下謀功為最增邑并前千戶  
又曰張既字德容詔曰卿勲非但破胡乃永寧河右使吾  
長無西顧之念徙封三鄉侯

又曰任峻字伯遠為典農中郎大興屯田軍國致饒太祖  
以峻功高表封都亭侯



又曰張遼字文遠以功封都亭侯又討陳蘭梅成等入瀟  
山中蘭等壁其上遼力戰之太祖論諸將功曰登太山以  
取蘭成盪寇功也乃增邑文帝又分封兄沉及一子列侯  
帝踐祚進封晉陽侯及薨詔曰合肥之役遼以步卒八百  
破賊十萬自古未之有也其分遼邑賜一子爵關內侯  
又曰太祖表封荀攸曰前寇敵皆攸之謀也於是封侯陵  
樹亭侯

又曰太祖謂于禁曰溝水之難吾焉能也將軍在亂能正  
雖古之名將何以加之乃錄前後功封壽亭侯

又曰文帝踐祚進張卬為鄭侯明帝詔曰賊亮以邑蜀之  
衆將軍所向克定乃益戶并前四千三百戶卬前後有功

文明帝分卬戶封四子列侯

又曰朱靈字文博先封劔侯文帝詔曰將軍佐命先帝威  
週方邵平王所至願勿難言靈謝曰高唐所鎮乃更封高  
陽侯

又曰龐德以衆降太祖聞其驍勇封關內亭侯為關羽所  
得罵羽而死太祖悲之封其二子為列侯

又曰徐邈字景山西城流通流戎入真皆邈勲也以功封  
都亭侯

又曰王昶字文舒討諸葛誕誅詔曰昔孫臏佐趙輪大  
梁兵驟進此所以成兵勢也增邑四千一百戶矣

吳志曰駱統字公緒初曹仁功濡須使別將常雕等襲中



洲統與嚴圭共拒破之封新陽亭侯

晉書曰符堅南寇桓伊與寇軍將軍謝玄輔國將軍謝琰俱破堅於淝水以功封永循縣侯進右軍將軍賜錢百萬袍表千端

王隱晉書曰封宣帝為武平侯公孫淵平又增封舞陽昆楊二縣

又曰封文帝為高都侯大始元年詔曰昔唐虞三代之盛暨于漢魏創制褒崇元勳班爵行賞行國同禮施祿建下萬邦咸仰又朕以寡德登于天位託于王公之上腹心股肱文臣武臣光齊帝業余加乃勲慶賞之行其同宜速

又曰張華傳曰華以建策加華右光祿大夫開府儀同三護西域騎都尉鄭吉撫循外蠻宣明威信功效茂著其封言為安遠侯

華陽國志曰漢高帝滅秦為漢王巴蜀閬中人范自有恩信方略為帝保民與西秦地既定封自為長安建章郡侯帝將征關東竇氏皆思歸嘉其功難傷其意遂聽還謂曰富貴不歸故鄉如衣繡夜行可徙封自關中慈鄉侯自固辭封及汧縣侯



太平御覽卷三百七

封建部四

德行封

討亂定策封

奉使封

尊賢斷絕封

死王事子孫封

異域降封

雜恩澤封

雜名號封

宦者封

遜讓

誅貶

德行封

漢書在  
恩澤表

漢書曰宣帝以劉德謹重封為陽城侯

又曰邴吉有陰德於孝宣帝微時帝即位衆莫知吉亦不言吉從大將軍長史轉遷御史大夫帝聞將封之會吉病甚將使人加紳而封之及其生存也太子太傅夏侯勝曰



此未死也臣聞有陰德者必響其樂以及子孫今未獲其樂而病甚非死也後愈封為博陽侯

東觀漢紀曰建武元年詔曰故密令卓茂束身自修執節惇回斷斷無他其心休休焉夫士誠能為人所不能為則名冠天下當受天下重賞故武王誅紂封比干之墓表商容之間今以茂為太傅封褒德侯賜安車一乘衣一襲金五百斤

討亂定策封 漢書在恩澤表

漢書曰莽何羅與弟重合侯通謀逆時霍光金日磾上官桀等共誅之功未錄武帝病封璽書曰帝崩發書以事道封金日磾為柁候上官桀為安陽侯光為博陸侯 文選曰傳大陸

平取具嘉明無此縣也今邑北海之河間臣瓚案漁陽有博陸城也皆以前補反者功封時

衛尉王莽子男忽待中楊語曰帝崩忽常在左右安得遺詔封三子事群兒自相貴耳光聞之切讓王莽莽醜殺忽

奉便封

史記曰高祖使劉敬使匈奴還報曰匈奴不可擊此必見短伏奇兵以爭利上怒械擊敬必往而厄於白登七日乃得解還至廣武赦敬封千戶號建信君

漢書曰武帝以校尉張騫從大將軍擊匈奴知水草處軍得以無飢渴因前使紀國功封博望侯

又昭帝以平樂廐監傅介子誅樓蘭五封為宜陽侯

又元帝以其延壽使西域到支單于義成侯



蜀志曰陳震字孝起使吳賀孫權踐祚及到武權與震  
昇壇歃血還封陽亭侯

### 尊賢繼絕封

尚書太傅曰武王勝殷箕子走之朝鮮因以封之  
禮記郊特牲曰天子存二代之後由尊賢不過二伐  
又禮記曰武王克殷未及下車而封黃帝之後於蓊封帝  
堯之後於祝封帝舜之後於陳下車而封夏后氏之後於  
祝封殷之後於宋

史記曰武王克紂以紂子武庚祿父續殷祝使管蔡相之  
武王崩成王少管蔡疑周公乃與武庚作亂周公以王命  
誅之命微子開為殷後奉其先祀國于宋至宋王偃立於  
是齊魏楚伐宋滅之而三分其地

漢書曰自古受命及中興之君必興滅繼絕修廢舉迄然  
後天下歸仁四方之政行高祖撥亂日不暇給然猶修祀  
六國來聘四皓通魏則壠無忌之墓適趙則封樂毅之後  
又曰武帝元狩中復詔御使以節二千四百戶封蕭何曾  
孫慶為節侯布告天下令明知朕報蕭相國德厚也

又曰武帝過洛陽下詔以三千里地封周後為周子南君  
又曰封周公後公孫相如為褒魯侯

又曰元始四年斬翕夏后嬰陳平張良周勃等一百一十  
八人詔爵復家

東觀漢記曰建武二年封殷詔嘉公為宋公周承休公為



衛公十四年封孔子後孔志為褒成侯

魏志曰文帝以議郎孔羨為崇聖侯奉孔祀

晉中興書曰元帝封孔亭為奉聖侯不食戶邑

又曰元帝詔封魏後曹勵為陳留王

呂氏春秋曰武王勝殷封帝堯之後為黎丘成湯之後於

宋以奉桑林

### 死王事子孫封

左傳哀下曰晉甸瑤率師伐鄭次于桐丘鄭駟弘請救于

齊齊師將與陳成子屬孤子三日朝屬會也孤子死設乘

車兩馬擊五邑焉乘車兩馬大夫車服也十五邑加之二日兩節顏涿聚

之子晉隰之後而父死焉隰役在哀二十三年國之多難未汝恤也

今君命汝以具邑也服車而朝無廢前勞

漢書曰周苛以內史守荊陽罵項羽死高帝封苛子成為

高景侯

又曰酈食其使約諸侯至齊死事高帝封食其子疾為高

梁侯

又曰趙王反內史王綽相建德諫不聽遂燒殺綽等

景帝封綽子乘之建德子橫皆為侯楚王反太傅趙夷吾

相張尚並諫不聽死景帝封夷吾子周尚子居皆為侯

魏志曰鮑信為相相憮視太祖身以遇害太祖追錄信

功封子卬為新都亭侯

說苑曰卬卽傳官吏子李談說平原君令盡散家財以饗



士攻秦國平原伏其計勇敵三千人皆出從談赴秦軍秦軍為却三十里亦曾楚魏救至秦軍遂罷李談死封其父為李侯

異域封

漢書曰匈奴王徐盧等伍人降漢景帝欲侯之以勸後亞亞夫曰彼皆其王降藉下陛下侯之即何以責人臣不守節者乎上曰丞相議不可用乃悉封徐盧等為列侯亞夫因謝病免相

又曰武帝時匈奴王及太子相都尉以下趙信南越王兄建德等凡三十二人未降並封侯

又曰宣帝時匈奴單于先賢禪等二人降並封侯

魏志曰鮮卑帥比能明帝時將其部衆降拜歸義侯

雜恩澤封

漢書高后以大謁者張澤勸王諸呂封為建陽侯

又曰孝武以方術封栾大為樂通侯

又曰宣帝掖庭令張賀有舊恩封賀子彭祖為都陽侯

又曰王莽居職安衆侯劉崇與張紹攻宛而敗詔從兄竦

崇父嘉詣闕自歸竦因嘉作奏莽莽大悅太后下詔惟嘉

父子兄弟雖有屬不可阿私以千戶封嘉為師禮侯嘉子

七人皆賜爵關內侯後又封竦為淑德侯長安人為語曰

欲求封過張伯松力戰聞不如巧為奏

東觀漢記馬防子鉅為常從小侯上欲冠之夜拜為黃門



華嶠後漢書曰元和元年遂置鴻都學畫孔子及七十二弟子像其諸生皆勅州郡三公舉用辟召或出刺太守入為尚書侍中乃有封侯賜爵者士君子皆耻與為列

魯國先賢志曰汝陽鮑氏起於鮑吉吉字利主桓帝初為蠡吾侯吉為書師及桓帝立歷位至河南尹詔曰吉與朕有龍潛之舊其封西鄉侯宗族以吉勢力至刺史二千石者五

雜名號封

漢書曰初高祖微時嘗避事時與賓客過其丘嫂食應劭曰丘氏女也孟康曰西方謂上女婿丘為婿丘空上有嫂也晉灼曰吳人也大歸為家婦也

嫂厭叔與客來作為羨盡鑠金客以故去已而視釜中有羨由是怨嫂及立齊岱等王而伯子獨不得侯

太上皇以為言高祖曰某非敢忘封之也為其母不長者七年十月封其子信為頡羨侯

又曰霍去病以校尉伐匈奴乃封為冠軍侯又曰趙破奴以司馬再從驃騎將軍擊匈奴封為從驃騎侯

東觀漢記曰彭寵奴子密殺寵詣闕降封為不義侯

魏志曰初平二十年置名號爵十八級關中侯爵十七級皆金印紫綬又置關內外侯十六級銅印龜紐墨綬五大夫五級銅印環紐亦墨綬皆不食租與舊列侯關內侯凡



六等注曰臣松之以為今之虛蓋自此始也  
搜神記曰張顥為梁相天新雨後有鳥如山鵲飛翔墮地  
市人撻之墮地化為石顥惟破之得一金印文曰忠孝侯  
顥藏之秘府後行校書東觀奏言曰堯舜時朝有此官天  
落印宜可復置

宦者封

東觀漢記曰孫程為中黃門安帝崩初江京等譖誣太子  
廢為濟陰王居西鍾下徵北鄉侯為嗣程等十八人殺江  
京問顥等立陰濟王為帝以功封程為浮陽侯萬戶  
又封中黃門王康華客侯王國為卿侯

續漢書曰呂強為中黃門靈帝例封侯者以強為卿侯

強辭讓懇惻帝乃聽之數上書諫諍為中常侍趙忠等所  
譖死

晉起居注曰惠帝永平元帝詔曰中常侍董猛固讓封邑  
其封為武安侯猛前求餘戶封三兄今皆封為亭侯

遜讓

史記曰晉文公賞從亡者未得隱者介之推推亦不言祿  
使人召之則亡遂求所在聞其入縣上山中於是文公環  
縣山而封之以為介推田號曰介山且記吾過以旌善人  
旌表  
之也

又曰魯連說魏人新垣衍以帝秦之害秦軍為欲平原君  
欲封魯連魯連辭謝者三日吾與富貴而屈於人寧貧賤



而肆意

戰國策曰趙王以武城封孟嘗君擇舍人以為武城吏而進之曰鄙諸借車者馳之借衣者被之夫人借衣者非親既兄弟也夫馳親友之車被兄弟之衣文以為不可今趙王不以文不肖封之以武城願大夫之往也無伐樹木無廢室屋然趙王悟而知文也僅可使全而歸之

漢書曰初武帝遺詔以討莽何羅功封今碑為秬侯日碑以帝少不受封

又曰武帝詔曰匈奴逆天理亂人倫車騎將軍青度西河至高闕輕銳之卒執訊獲醜驅馬牛羊百有餘萬全甲兵而還益封三千戶以千戶封青三子皆為侯青固謝云皆

諸校尉之力臣青子在繼線中未有勤勞而受之封非待罪行間以勤士力戰之意

又曰張延壽歷位九卿國在陳留別邑在魏郡租入歲千餘萬延壽自以身無功德何以久堪數上書減戶邑天子以為有讓迺封平原并一國戶口如而租稅減半

又曰張賀為掖庭令收養皇曾孫恩甚密皇曾孫即位是為宣帝而賀已死欲封其冢為恩德侯其子彭祖小與上同席研書欲封之先賜爵關內侯賀弟安世身辭讓上曰吾自為掖庭令不為將軍也安世乃不敢言

東觀漢記曰竇融數辭爵位曰臣有一子質性頑鈍何况乃當傳以連城土享諸侯之國也因會見詔曰公欲讓職



還土金相見不宜論也

又曰永元元年以定策功增封鄧騭三千戶讓不獲遂逃避使者上疏自陳

又曰劉愷字伯預以當龍父爵封居崇侯讓與弟憲有司奏之侍中賈逵上書陳之和帝詔愷致國與弟遁亡所守彌固乃拜為郎

又曰丁綝拜河南太守及封功臣上令各言所樂綝曰昔孫叔敖教其子受必求硤確之地綝德薄功微鄉亭可矣上從之封為定陵謝安鄉食千戶

又曰帝欲封樊興置印綬於前固讓曰臣未有先登陷陣之功一家數人並受爵土令天下觀望上嘉興之讓不奪

其志

又曰封朱祐為向侯邑七千三百戶自陳功薄而國大難受南陽五百戶又矣上不許也

又曰翟歆字敬子父于以功封臨沮侯歆當嗣爵以母年老國遠上書辭讓詔許乃賜關內侯

又曰十緄卒子鴻上書讓國與弟盛既葬乃挂縗經冢廬而逝

又曰大將軍憲前歲出征克城北狄朝加封賞固辭不受翼氏舊典並蒙爵土其封憲冠軍侯邑二萬戶

魏志曰田疇從太祖入盧龍基太祖猶欲侯之疇素與夏



侯惇善太祖曰且往以情喻之荅曰疇負義逃竄之人耳蒙恩令活已為靈矣豈可賣盧龍基以易賞祿哉獨不愧於心乎太祖知不可屈乃拜為議郎

魏志曰王基持壽春進封東武侯上疏固辭歸功叅佐由是長司馬等七人皆侯

又曰司馬宣王誅曹爽進將濟封都鄉侯上疏固辭不許孫盛曰蔣濟之辭邑可謂不負心矣

蔡邕獨斷曰滄稔明諸侯王之子弟封者為諸侯異姓者為徹侯避武帝諱曰通侯法律家皆曰列侯公德據朝廷所異者賜位在三公下其次諸侯在九卿下其小國侯以肺腑宿公親公至子孫墳墓於京師者亦與會見俱首侯

### 諸貶

漢書曰高帝子淮南厲王長孝文六年謀反徙蜀至雍死趙王如意趙王恢趙王友為呂后所殺孝景子膠東王自殺孝武子燕王旦廣陵王胥並自殺齊王肥子濟北王興居濟南王辟光膠西王卬膠東王雄渠高帝兄子吳王濞弟孫楚並反伏誅淮南王長子安衡山王賜江都王非子建並謀反誅楚王六世孫延壽淮南王曾孫寬並謀反死武帝子孫侯者凡坐酎金等失侯及誅免者一百九人又曰陳平薨子何代立坐畧人妻弃市國除始平曰我及陰謀道家有所禁吾世即亦已矣終不能復興又曰平陽侯曹參六世孫宗坐闌入宮掖門配城旦留侯



張良子不疑坐謀殺楚內使贖為城旦封絕其餘功子孫皆罪免輒復立嗣

又曰高后封諸呂五人為侯八年九月並誅張澤一人免  
孝帝元年軹侯溥昭自殺景帝魏其侯竇嬰有罪弃市武  
帝樂通侯栾大斬昭帝安陽侯上官桀桑樂侯安反誅宣  
帝平江侯王遷自殺昌永侯田廣明自殺陽成侯田延年  
盜都內錢自殺元帝樂安匡衡免成陵侯淳於長大逆誅  
宜鄉侯馮參自殺商陽侯薛宣坐不忠孝免哀帝子明傳  
晏丁滿朱博王家傳商鄭崇董賢孫龐息夫躬並誅免平  
帝甄豐劉<sub>音於</sub>為王莽所殺高陵侯翟方進子盧坐弟舉兵  
為王莽所殺

東觀漢記曰光武子楚王英謀反自殺廣陵王荆誼自殺  
又曰成德侯朱鮪玄孫祀坐殺人國除昌成侯桓公孫述  
坐與楚謀反國除

又曰魏成魯純坐訐訕國除山桑侯王常孫廣坐楚事國  
除利取侯畢尋玄孫守坐姦人妻國除首鄉侯段晉曾孫  
勝坐殺婢國除又陽侯邢崇孫之為賊所盜亡印綬國除  
廣平侯吳漢無後國除潁陽侯蔡遵無子國除

華嶠後漢書曰後子言徙封蕪湖侯建初中遭母憂固上  
書以國貧不之<sub>出</sub>乞錢五萬為關內侯肅宗貶為關內侯  
竟不賜錢

魏志曰曹洪性恇文帝少時<sub>不</sub>稱恨之後犯罪死太



太平御覽卷第二百一  
后謂郭后曰今冒洪犯死吾救帝廢后后泣涕請乃得免  
前官爵土

又曰彭城王摠坐私遣人詣前乃作某物削戶二千申土  
袞楚王彪並入朝犯京都禁制並戶

又曰楚王彪坐三陵同謀延彪都昌遣御史案驗收治使  
至國乃自殺

又曰廣初三年臨淄侯植監國謁者灑均希自奏植酒悖  
劫脅使者有司奏治罪帝以太后故聚為安都侯

太平御覽卷第二百一

太平御覽卷第二百一

封建部五

婦人封

夫人

郡君

縣君

鄉君 錫命附

婦人封

左傳成公上曰晉敗齊師齊侯遂自徐關入見保者曰勉  
之齊師敗矣避女子使避君也齊侯單女子曰君免乎曰

免矣曰銳司徒免乎曰免矣曰苟君與吾父免矣可若何  
奔齊侯以為有禮既而問之壁司徒之妻也壁司徒予之

石亦石亦邑名濟比盧縣  
東有地名石亦音啻



陳留風俗傳曰高祖與項氏戰厄於延鄉有翟母者免其難故以延鄉為封丘縣以封翟母焉

夫人

後漢書曰崔篆母師氏通五經學百家之言王莽寵以殊禮賜號義成夫人金印紫綬文軒冊轅於新代

唐書曰魏衡妻王氏梓州郫人也武德初薛仁果舊將旁仙地侵掠梁部因獲王氏逼而妻之後仙地漸強盛衡謀以城應賊仙地領衆將趨梁州未至數十人飲酒醉卧王氏取其佩刀斬之携其手入城賊衆乃散高祖大悅封為崇義夫人

又曰亨亨中燕山道總管右領軍大將軍李謹行大破高麗叛徒於葫蘆河之西俘獲數千人自是平壤餘衆走投新羅時謹行妻劉氏畱在代奴城高麗引靺鞨攻之劉氏擇甲率衆守城久之賊乃退上嘉其功特封為燕郡夫人又曰鄒保英妻奚氏不知何許人也萬歲通天年中與丹賊李盡來寇平州保英時任刺史領兵討擊既而城孤援寡勢將欲陷奚氏乃率家僮及城內女丁相助固守賊退所司以聞優制封為誠節夫人

又曰王君昆上嘗於廣達樓引君昆及妻夏氏設宴賜以帛夏氏亦有戰功故特賞之封為武威郡夫人

五代史晉史曰鎮州節度史安重榮妻彭城郡夫人劉氏封魯國夫人南陽郡夫人韓氏封陳國夫人重榮立二嫡



妻非禮也朝廷並命之亦制制也

郡君

漢書曰武帝尊王太后母臧兒為平原君

後漢書曰弘農人韋宣素性佞邪欲取婚於梁冀乃上言大將軍有周公之功今既封諸子則其妻宜為邑君詔遂

封冀妻孫壽為襄城君兼食陽翟租歲入五千萬加賜赤

綬比長公主長公主儀

又曰安思閻皇后追尊后母宗為棠陽君

晉中興書曰肅祖太妃豫章恭惠君荀氏初以微入宮生

肅祖中宗以母賤命虞妃母養肅祖而出嫁苟為馬氏妻

太寧元年馬氏無疾而卒肅祖迎母還宮養之稱建安君

追贈預章君謚曰恭惠

後漢書曰景明初世追舅氏封外祖母蓋氏為清河郡王

又曰靈太后臨朝以元又妹封又妻新平郡封後遷馮翊

君

縣君

漢書曰王太后微時為金王孫婦婦生在民間蓋諱之也

武帝始立朝媽白之帝曰何為不蚤言乃車駕自往迎之

其家在長陵小市直至其門使左右入求之家人驚恐女

逃匿牀下扶持出拜帝下車立曰大姊何藏之深也載之

長樂宮與俱謁太后太后垂涕女亦悲泣帝捧酒前為壽

錢千萬奴婢三百人公田百頃甲第以賜姊太后謝曰為



帝費因賜湯沐邑號修成君

又曰宣帝賜外祖母號為博平君以博平蠶吾兩縣戶萬一千為湯沐邑

范曄後漢書曰靈思何皇后追封父真為車騎將軍舞陽宣德侯封后母為舞陽君

魏志曰文德郭皇后安平廣宗人也母董為郡君改封父永為滏津敬侯世婦董為常陽君

又曰青龍二年春追謚后兄儼曰安城郭穆侯封儼世婦劉為東鄉君又追封逸世婦張為安嘉君

又曰明元郭皇后西平人也齊王即位尊皇后封太后母杜氏為郟陽君

又曰明悼毛皇后河內人黃初中以選入東宮明帝時為平原王進御有寵出入與同輿輦追封后母夏氏為野王君

又曰太始三年詔曰漢武追崇靈文之號武宣有平原博平之封咸所以奉尊尊之敬廣親親之恩宜追封故衛將軍景侯夫人羊氏為平陽君也

臧榮緒晉書曰武悼楊皇后廢在金墉城與母高都君龐氏共止高都君臨刑后挹持號叫不食而崩

晉中興書曰穆皇后庾氏字文君左將軍琛第三女贈琛為車騎將軍母丘氏為安陽縣君從荀氏永宣縣君

又曰簡文順皇后王氏字蘭始驃騎將軍述之再從妹追



贈前夫人成氏東豐縣君後夫人成氏東興君沈約宋書  
曰孝穆趙皇后諱安崇下邳僮人也父裔永初二年有司  
奏裔命婦孫可建昌縣君

又曰孝穆肅皇后名文壽蘭陵人父卓初與裔俱贈金紫  
光祿大夫妻下邳趙氏封吳郡壽昌縣君

唐書曰古玄應妻高氏固守飛狐縣城卒免為突厥所陷  
下詔曰頃屬默啜攻城咸憂陷沒丈夫固守猶不能堅婦  
人懷忠不憚流矢由茲感激危城重安如不褒果何以獎  
勸右玄應妻可封為徇忠縣君

又曰衡方厚妻程氏方厚太和中任邕州都督府錄事參  
軍為招討使董昌齡誣枉殺之方厚妻程氏力不能免乃

公其哀如非寃者昌齡雅不疑慮聽其歸喪程氏故得以  
徒行詣闕截耳於右銀臺門告夫被殺之寃御史臺鞫之  
得實諫官亦有章疏故昌齡再授誕逐程氏開成元平隆  
勅曰乃者吏為不道害殺爾夫詣闕申寃徒行萬里崎嶇  
傷累瀕於危亡血誠既昭幽憤果雪雖古之烈婦何以加  
焉如聞孤孀無依畫哭待盡俾榮祿養仍錫疏封可武昌  
縣君

英雄記曰董卓孫女名白時尚未笄封為渭陽君於郾城  
起壇從廣二丈餘高五六尺使白乘金華青蓋車都尉中  
郎將刺史二千石在郾者各令乘軒簪筆為白導從之壇  
上使兄子橫為使者授印綬也



潘岳宜城宣帝誄曰行成于已名生於人考終定謚寔曰  
宣君祝宗蒞事卿相奉引輕車整駕介士列陣鳶輅依容  
輓車升襯

卿君

魏志曰卞隆以后父封睢陽鄉侯隆妻王氏為顛陽君追  
封隆前妻劉氏為仁慎鄉君后親母故也

又曰甄儼孫女為齊王皇后后父已沒封后母為廣陽鄉  
君

晉書曰立皇后楊氏母太原龐氏為安昌鄉君追外曾祖  
母故司徒王卽夫人夏氏為崇陽鄉君

晉中興書曰哀靖皇后王氏字穆之司徒左長史濠之女  
也初為瑯琊王妃哀帝即位拜為皇后追贈父濠金紫光  
祿大夫封晉安縣侯母愛氏為安國鄉君也

又曰元敬皇后虞氏字孟母濟陽外黃人也祖壽撫軍大  
將軍掾父豫太傅參軍中宗之為瑯琊王納后為妣豫妻  
王氏為邢陽縣君從母散騎常侍新野王罕妻為平陽鄉  
君

又曰康獻皇后褚氏太傅褒之女封母謝氏為壽陽縣君  
又曰成公皇后杜氏陵陽京兆人也母裴氏為廣德君安  
鄉君賜錢百萬布二百疋

又曰穆章皇后何氏字法倪司空克之女追贈父克光祿  
大夫封晉興侯母孔氏長樂鄉君



又曰王蘊以后父徵拜金紫光祿大夫封建昌侯母劉氏  
平樂君

沈約宋書曰武敬臧皇后諱受親東莞人也父雋追贈金  
紫光祿大夫妻高密叔孫氏江永平鄉君

唐書曰獨孤武觀謀叛王世克歸國事覺誅死都武子師  
仁年始三歲世克以其年幼不殺使禁長之乳母王氏號  
蘭英請髡鉗求入保養世克許之蘭英撫育提攜備盡筋  
力時喪亂年飢人多餓死蘭英扶路乞丐拮拾遇有所得  
便歸與餘仁蘭英唯啖吐飲水而已後詐採拾乃竊師仁  
婦於京師高祖嘉其義下詔曰師仁乳母王氏茲惠有聞  
無鞠無倦提攜遺幼皆逆歸胡宜有褒隆以錫其號可封

水書鄉君

錫命

尚書曰平王錫晉文侯拒鬯圭瓚作文侯之命也

左傳曰王命尹氏策命晉文公為侯伯錫之大路之服戎  
路之服彤弓一彤矢百矰弓矢僊秬鬯壹鹵虎賁三百人  
左傳曰文元年天王使榮叔來錫公命杜預注曰諸侯即  
位天子錫以命珪合瑞為信若僖二十八年王賜晉侯命  
亦其比也

又曰襄十四年王使劉定公賜齊靈公命曰昔伯舅太公  
佑我先王股肱周室師保萬民世昨太師以表東海王室  
之不壞鬻伯舅是賴余今命汝環環齊靈公明也茲帥舅氏之典



慕乃祖考無忝乃舊勳敬之哉無廢朕命慕述也音婚而加褒顯傳言王

室不能命有功國語曰襄王使郡伯過及內使過賜晉惠公命呂甥卻芮

相晉侯不敬晉侯執玉卑拜不稽首內史過歸以告王曰

晉不亡其君必無後且呂卻將不免王曰何故對曰夏書

有之曰衆非元后何載后非衆無以守邑邑國在湯誓曰余

壹人有罪無以爾萬方萬方有罪在予壹人在予一人乃我殺道之過

在盤庚曰國之滅則維汝衆今商書盤庚是滅善國俗之善則維汝衆歸功於下也

國之不滅則維餘壹人是有逸罰逸過罰罪也國俗之不

其罪當在我也如是則長衆使人不可不慎也人之所急在於大

事大事祀戎祀也先王知大事之必以衆濟故袪除其心以和惠

人人被拂也考中度衷以蒞之蒞臨考中省以之中心以昭明

物則以訓之制義庶孚以行之義宜庶參孚信當制也被除

其心精也精考中度衷忠也忠恕昭明物則禮也制義庶

孚心也然則長衆使人之道非精不和非忠不立非理不

順非信不行今晉侯即位而背內外之賂背內外不與秦也

也雷其處者棄其信雷其處雷其處者殺不敬王命棄其理施其

所惡棄其忠已所不欲勿施於人所惡於人所惡於下無以事以惡

實心棄其精實四者皆棄則遠不至而近不和矣四者精

將何以守國古者先王既有天下又崇立上帝明神而敬

事之於是手有朝日月以教人事君禮天子以春秋分夕月

諸侯春秋受職于王以臨其人大夫士日恪位着以儆其



官中庭之左右曰位庶人工門屏之間曰着也尚各守其業以共其上猶恐

有墜失也故為車服旌章以旌之為班爵貴賤以別之為

令聞嘉譽以聲之猶有散遷懈慢而著在刑辟流在裔土

於是乎有蠻夷之國有斧鉞刀墨之人而况可以淫縱其

身乎晉侯非嗣也而得其位嗣也甕甕怵惕保位戒懼猶

曰未也若將廣其心而遠其隣陵其人而俾其上將何以

固守夫執玉卑替其摯拜不稽首誣其王摯替無鎮誣王

無人夫天事怕蒙任重享大者必速及故晉侯誣王人亦

將誣之欲替其鎮人亦將替之大臣享其祿不諫而阿之

亦必及焉襄王三年而立晉侯八年而隕於韓十六年而

晉人殺懷公無胃秦人殺子金子公子金呂甥子

又曰襄王使太宰文公及內史興錫晉文公命上卿逆於

境晉侯如勞館諸宗廟饋九牢設庭燎及其命於武宮設

桑主布几筵太宰蒞之晉侯端委以入太宰以王命冕服

內史贊之三命而後即冕服既畢賓饗贈餞如公命侯伯

之禮而加之以宴好內史與歸以告王曰晉不可不善也

其君必霸逆王命敬奉禮義成敬王命順之道成禮義德

之則德以道諸侯必歸之且禮所以觀忠信仁義忠所以

分也仁所以行也信所以守也義所以節也忠分則均仁

行則報信守則固義節則度分均無怨行報無匱守固不

踰節度不攜若人不怨而財不匱令不踰而動不攜其何

事不濟中能應外忠也施三服義仁也守法不淫信也行

事不濟中能應外忠也施三服義仁也守法不淫信也行

事不濟中能應外忠也施三服義仁也守法不淫信也行



禮不疲義也臣入晉境四者不失臣故曰晉侯其能禮矣

王其善之樹於有禮艾人必豐王從之使於晉者道相建

及惠后之難王出在鄭惠后惠皇之后襄王繼母陳嬀有寵生子帶將立子帶未及而卒子

帶葬齊王復之又通於襄王之后魏氏王廢魏氏周大夫頹叔姚子奉子帶以翟師伐周王出適鄭出于記事在魯

四年晉侯納之襄王十六年立晉文公二十壹年以諸

侯朝於衡雍且獻楚捷逐為踐土之盟於是平始霸

范曄後漢書曰董昭等欲共進曹操爵國公壹九錫備物

密以訪荀彧或曰曹公本興義兵以匡振漢朝雖勲庸崇

著猶稟忠貞之節君子愛人以德不宜如此事遂寢操心

不能平會南征孫權或勞軍于譙表留或

晉中興書曰烈宗冲幼桓温威震内外人情躡沓牙生同

與謝安與王坦之盡忠匡翼温諷朝廷欲為九錫使驍騎

將軍袁宏具草時温已病篤宏以呈安安視軒云不好更

改之使彌歷旬日至于温薨錫命遂寢

五知覽卷第二百二



太平御覽卷第二百三

職官部一

摠叙官

禮記曰有虞氏官五十夏后氏官百殷二百周三百天子立六官三公九卿二十七大夫八十一元士以聽天下之外治以明章天下之男教

又王制曰天子百里之內以共官千里之內以為御謂此地之

田稅所絡也千里之外設方伯五國以為屬屬有長十國以為

連連有師三十國以為卒卒有正二百一十國以為州州

有伯八州八百五十六正百六十八帥三百三十六長八

伯各以其屬屬於天子之老二人分天下以為左右曰二



春秋曰昭四年邾子來朝公與之宴昭公問焉曰少皞氏

以鳥名官何故少皞氏天氏黃帝子已姓之邾子曰吾祖

也我知之昔黃帝氏以雲紀故為雲師而雲各黃帝軒轅氏姬姓之

祖也黃帝受命有雲瑞故以云紀炎帝氏以火紀故為火

師而火各神農姜姓之祀世有火共工氏以水紀故為水

師而水各共工以諸侯霸九州者在神農前太皞氏以龍

紀故為龍師而龍各太皞伏羲氏風之祖也我高祖少皞

摯之立也鳳鳥適至故紀於鳥為鳥師而鳥各自顯項以

來不能紀遠而紀於近為民之師而命以民事則為不能

故也

又曰國家之敗由官邪也官之失德寵賂彰也

尚書堯典曰乃命羲和欽若昊天曆象日月星辰敬授人

時羲氏和氏世掌天地四時之分命羲仲宅嵎夷曰暘谷

羲仲居治東方之官宅寅賓出日平秩東作使敬導也出

也東表之地稱嵎夷寅賓出日平秩東作日平均次序

東作之事由命羲叔宅南交羲叔居治南方之官平秩南

訛敬致訛化也平秩南方化育之分命和仲宅西日昧谷

居治西寅饑納日平秩西成饑送也西方万物成申命和

叔宅朔方日幽都平在朔易北平其政功物也申命和

常允釐百工庶績咸熙定四時成歲日其政以順天

交舜典曰咨四嶽有能奮庸庶帝之也有能起發

使宅百揆亮採惠信立其功順其乎余曰伯



禹作司空

伯禹為天子司空治木有功言可用也

帝曰禹汝平水土惟

時懋哉

稱禹前功以命之惟居是百燕免行之

禹拜稽首讓于稷契暨皋陶

帝曰俞汝往哉

不計其讓使往宅百揆

又曰成王既黜殷命滅淮夷還歸在豐具作周官王對曰若

昔文獻

順古制治於未亂保邦於未危曰唐虞稽古建官

惟百內有百揆四岳外有州牧侯伯庶政惟和萬國咸寧

夏商官倍亦克用乂

湯禹建官二百亦能用治言不及唐虞之清要

今子小子祇

勤于德夙夜不逮太師立太傅太保茲惟二公論道經邦

變理陰陽少師少傅少保曰三孤二公弘化寅亮天地敬

之數又地冢宰掌邦治統百官均四海司徒掌邦教敷五典擾

兆民擾安宗伯掌邦禮治神人和上下司馬掌邦政統六

師平邦國司寇掌邦禁詰奸慝刑暴亂司空掌邦土居四

民時地利士農工商六卿各職各率其屬以倡九牧阜成

兆民以倡導九州牧伯為故大成兆民之性命

又曰俊乂在官

俊備治農之

百僚師師百工惟時

僚工皆

師惟師法百官皆

撫于五辰庶績其疑

言五言皆順五

又曰無曠庶官天工人其代之

位分其人為空官言人代天理官不可以天官私非

其

又曰任官惟賢才左右惟其人臣為上為德為下為民言

奉上而德順下訓民不可

又曰官不及私昵惟其能不加私昵爵用及惡德惟其賢

非賢不爵

不爵



周禮曰惟王建国辨方正位體國經野設官分職以為民

極 極中也今天下之人各得其中

又周官曰宗伯以九儀之命正邦國之位壹命受取受取

再命受服受服受上士三命受位列位于王臣也四命受

器受祭器為大夫也五命受則也則法六命賜官比王大夫命之制賜官者使自得自置其

臣治家如七命賜國出就侯伯之國八命作牧謂諸侯有功德者加命為二伯得征伐五侯九

諸侯也九命作伯伯也即奇農云長謀侯為方伯也

尚書太傳曰古者八子三公每壹公三卿佐之每一卿三

大夫佐之每壹大夫三元士佐之故有三公九卿二十七

大夫八十一元大所與為天下者若此而已自公之元士

夏時之

家語曰古之御天下者以六官揔治焉家宰之官以成道

治官所司徒之官以成德教官所宗伯之官以成仁禮官

成司馬之官以成聖政官所以成聖禮官所司寇之官以成

義刑官所司空之官以成禮禮官所非是禮也六官在守

以為嚮

東觀漢記曰更始所置官爵多群小長安為之語曰竈下

養中即將爛羊胃騎都尉爛羊頭關內侯

後漢書曰進武六年詔曰百姓遭難戶口耗少而官吏尚

繁於是司隸州牧條奏并省有四百餘縣吏職減損十置

其一

漢書儀曰古法雖聖猶試故設四科之辟一科曰德行高



妙志節清修二科曰學通行脩經中博士三科曰明曉法  
令足以決疑能案章覆問文中御史四科曰剛毅多畧遺  
事不感明足以昭姦勇足以決斷才任二輔令皆試以其  
能然後官之

後漢書曰天興元年置八部大夫散騎常侍待詔等官其  
八部大夫於皇城四維面置壹人以擬八坐謂之八國常  
侍侍置左右出入王命三年置人博士官典煑煉百藥天  
錫元年八月初置六謁官准古六卿其秩五品屬官有大  
夫秩六品大夫屬官有元士秩七品元士屬官有置令長  
秩八品令長屬官有署丞秩品品又減五等之爵始分為  
四曰王公侯子除伯男二號四帝欲法純質每於定制官

杜起假節都督... 州諸軍事行征南大將軍太宰  
進爵為王... 軍節度九月立密皇太后廟于鄴甲  
辰行率統萬... 京十有一月車駕至平涼先是赫連  
定將數萬人... 鄜城留其弟上谷公社于廣陽公度  
洛孤城守帝... 登北原... 赫連昌招俞之杜于不降  
遂掘四面圍... 十二月定第... 子度洛孤面縛出降平涼  
平收其珍室定長安臨晉武功守將皆奔走關中平車駕  
東還留巴東公延普等鎮安定四年九月加大尉長孫嵩  
柱國大將軍特進左光祿大夫崔浩為司徒征西大將軍  
長孫道生為司空詔曰溘... 命縱逸方夏未寧戎車屢駕



不遑休息今二寇摧殄士馬無為方將偃武修文遵太平  
之化昧且思求想邇師輔訪諸有司咸稱范陽盧玄博陵  
崔綽趙郡李靈河間邢穎渤海高允廣平游雅太玄張偉  
等皆賢雋之冠冕見州邦有羽儀之用庶得其人任之政  
事共臻雍熙之美易曰我有好爵吾與爾縶之如玄之比  
隱跡衡門不曜名譽者蓋敷州郡以禮發遣遂徵玄等及  
州郡遣至者數百人皆差敘用冬十月詔司徒崔浩改定  
律令延和元年春正月尊保太后為皇太后立皇后赫連  
氏立皇晃為皇太子詔於大赦改年大延元年出太祖太  
宗宮人令得嫁大赦改年六月詔曰去春小旱冬作不茂  
憂勤尅已祗請靈祇上下咸秩豈朕精誠有感何報應之

獻納制冊敷揚宣勞秘書省以監錄四書殿中省以供修

膳服內侍省以承旨奉引尚書門下御史臺以

肅清僚庶九等太常光祿御尉宗正五監少府將

軍器都丞以分理群司六軍左右十六衛

左右衛左右驍左右武左右威左右以嚴禁其禦一

詹事府二春坊內坊掌又有三寺守令率更十率左

衛左右司禦左右清道俾有儲口牧守督護分臨畿

服京府置牧餼府州置都督隻太子

說苑曰應侯與賈子坐聞有鼓琴之聲應侯曰今之琴一

何悲也賈子曰夫張急調下故使之悲耳急張者良材也

調下者官卑也取夫良材而官卑之安能無悲乎應侯曰

...



善

仲長子昌言曰官之有級猶階之有等升階越等其步也  
亂七登朝級敗禮傷法是以古人之初仕也雖有賢材皆  
以級賜進焉賈生有言治國取人務在求能故裁國之無  
利器猶鑿以鈎刀而望其切不亦踈乎

楊泉物理論曰吏者理也所以理萬民平百揆也武士宰  
民物猶使狼牧羊鷹養雛也是以人主務在審官擇

李重集雜奏議曰古之聖王建官垂制所以體國經治而  
功在簡易自帝王而下世有增損舜命九官周公分六職秦  
采古制漢仍秦舊倚丞相任九卿雖置五曹尚書令僕之  
職始於掌封奏以宣內外事任尚輕而郡守牧民官故漢

宣稱所與為治唯良二千石其有殊效者輒璽書勉勵或  
賜爵進秩禮遇豐厚得為大體所以遠蹤三代也及至東  
京雖漸優顯令僕出為郡守鍾離意黃香胡廣是也郡守  
入為三公虞延第五倫鮑昱是也自魏朝名守杜畿滿寵  
田預胡質等郡或二十年或秩中二十石假節猶不去郡  
或還不易方此亦古人苟善其事雖沒世不徙官之義也  
漢魏以來內官之貴於今最隆太始以前多以散官補臺  
郎亦徑補黃門中書郎而今皆數等而後至衆職率亦如  
此陵遲之俗亦一上之風未洽百事等級遂多遷補轉  
徙如流能不一燕陟不得彰此為治之大弊也漢法  
官人不得真秩京房為魏郡大守以八百石居之魏一用



輕負先亦試守不稱則繼以左遷然則儻才登進無  
退此則所謂有知必試而使人以器者也臣以爲今  
併郡等守級使同右者明試守左遷之例官人  
事必量能而受爵矣

桓溫集畧表曰今天下分崩喪亂殄瘁雖道隆中興而戶  
口彫寡近方漢時不當一郡之民民戶既少則勢不多而  
當必同古制百官備職實非大義隨時之宜且設官以理  
務務寡則官省官省以國治則職顯而人清故光武初興  
多所併省諸葛亮相蜀簡才併官此 達治之成  
之所先也宜從權制併官省職愚謂門下三省秘書  
通可減半右以九卿綜事不傳尚書故重九棘也

內臺則九卿為虛設之位唯大常廷尉職不可闕其諸則  
外散官及軍府參佐職無所掌者皆併於若車駕郊廟籍  
用之屬凡諸大事於禮宜置者臨事權兼事訖則罷職既  
併則官少而才精職理則無害民而治道康矣



太平御覽卷第二百三

太平御覽第二百四

職官部二

丞相上

尚書曰成湯居亳初置二相以伊尹仲虺為之

又君奭曰我聞在昔成湯既受命則有伊尹格于皇天

又說命曰高宗薨得說使百工營求諸野說築傅巖之野

惟肖爰立作相主置諸其左右命之曰朝夕納誨以輔台

德若金用汝作礪若濟巨川用汝作舟楫若歲大旱用汝

作霖雨啓乃心沃朕心若藥不瞑眩厥疾弗瘳若跣弗

厥足用傷

韓詩外傳曰田饒事魯哀公而不見察田饒謂哀公曰臣



將去若黃鵠舉矣哀公曰何謂也饒曰君獨不見鷄乎雖有五德君猶日滿而食之者何以其所從來者近也夫黃鵠一舉千里止君園池食君魚鼈啄君黍梁無此五德猶貴之以其所從來者遠也臣將去若黃鵠舉矣哀公曰止吾將書子之言也饒曰臣聞食其食者不毀其器蔭其樹者不拆其枝有臣不用何書其言遂去之燕燕用為相三年燕政大治哀公喟然嘆息為之避寢

左傳曰仲虺居薛為湯左相

又曰齊桓公置鉤射而使管仲相

國語曰季文子相宣公成公無衣帛之妾無食粟之馬仲孫他諫曰子為魯上卿相二君矣妾無衣帛馬

而出其家婦燔其機云欲令農土工女安所售其貨乎

又曰石奢楚昭王相也陞直廉正無所避行縣道有殺人者相追之乃其父也縱其父還自繫使人言之王曰殺人者臣之父也夫以父立政不孝也廢法縱罪非忠也臣罪當死王曰追而不及不當伏罪奢曰不私其父非孝也不奉主法非忠也王赦罪上惠也伏誅而死臣職也遂不受命自刎而死

又曰五穀大夫之相秦也勞不坐乘暑不張蓋行國中不驅車乘不操干戈功名藏於府庫德行施於後世五穀大夫死國中男女流涕童子不歌謠春者不相杵

又曰秦莊襄王薨太子政立尊呂不韋為相國號稱仲



父  
又曰二世亡誅李斯乃拜趙高為中丞相事無大小皆決之

又曰趙高為丞相欲為亂恐群臣不聽乃先設驗持鹿獻於二世曰馬也二世笑曰丞相誤耶謂鹿為馬問左右或默或言馬以阿順趙高或言鹿高因陰中諸言或言鹿者以法

又曰韋丞相賢者魯人以讀術為吏至大鴻臚有相工相之當至丞相有男四人相之至第二字名玄成相工曰此子貴當封侯丞相曰我為丞相有長子是安從得之後賢竟為丞相病死而長子有罪論不得嗣而立玄成

又曰魏相者濟陰人以入吏至丞相其人可此令諸吏帶劔前奏事或帶劔者當入奏辛及借劔而敢入又曰漢後魏大夫歲餘帶丞相至位韋丞相付樂安侯衡十年長安城門位至至相豈非遇時人合也

漢書曰漢平陽人周勃沛人高帝即位以勃為右丞相以平為左丞相勃曰一歲決獄錢穀出入幾何勃不知行出獄有平曰有主者上曰主者誰曰決獄責廷尉錢穀出入獄中一日君所主何是平曰臣主佐天子理陰陽諶一物撫四夷上曰善於是出勃語平曰君獨不見獄吏



又曰蕭何沛人。及上自將聞呂后。何訂誅韓信。拜何相國。何病。惠帝臨視。何疾因謂。君後誰可代君。對曰。知臣苦者。臣曰。君何如。臣曰。君之矣。臣雖死。無恨矣。

又曰曹參沛人。蕭何薨。告舍人趨治裝。吾當入相使者。果召參為相。參長史訥文辭。謹厚者為丞相。史參日夜飲酒。參九。事皆欲有言。至者參輒飲以醇。醉而後去。終莫聞說。

又曰蕭何拜相國。益封五千戶。兵卒五百人。為衛衆人。皆賀。邵平獨吊。謂何曰。禍自此始也。何乃讓封。悉以家財佐軍。上喜。

又曰張蒼免相。文帝以皇后弟竇廣國賢。有行欲相之。恐天下以吾私廣國。久念不可。高帝時大臣餘見無可者。乃以御史大夫申屠嘉為丞相。嘉為人廣直。門不受私謁。時太中大夫鄧通方愛幸。賞賜累鉅萬文。帝常燕飲。通家是時。嘉入朝而通居上旁。有怠慢之禮。嘉奏事畢。因言曰。陛下幸愛其臣。則富貴之。至於朝廷之禮。不可以不肅。朝罷。嘉為檄。召通通至。詣丞相府。免冠徒跣。頓首謝。嘉嘉坐。自如弗為禮。責曰。夫朝廷者。高皇帝之朝廷。通小臣。戲殿上大不敬。當斬。使吏令行斬之。如淳曰。嘉語其吏曰。今便行斬之。上度丞相已困。通使使持節召通而謝。丞相此語。寺君釋之。又曰公孫弘。潁川人。武帝以弘為丞相。掌列侯。唯弘無爵。



詔封平津鄉侯六百五十戶丞相封侯自弘始也弘食一  
肉脫粟飯故人賓客迎衣食家無餘財

又曰公孫賀字子叔此地人引拜為丞相不受印綬泣涕  
曰臣本邊鄙鞍馬騎射不任宰相

又曰車千秋本姓田為高寢即訟太子寃曰子弄父兵罪  
當笞天子之干過誤殺人何罪哉臣嘗夢見白頭公教臣  
言於是上召見千秋千秋體貌甚嚴帝說之曰高廟神靈  
使公教我公當遂為吾輔相數月為丞相封富民侯千秋  
一言寤主旬月至宰相世未嘗有

又曰蔡義河內人詔求能為韓詩微義待詔久不進見者  
義上疏曰臣行能無所比容貌不及衆而不弃人倫者竊

號多不依周漢舊名或取諸身或取諸物或以民事皆以  
遠古雲鳥之義諸曹走使謂之鳧鴨取飛之迅疾也以伺  
察候占官謂之白鷺亦取其延頸遠望也自餘之官義皆  
類此神瑞元年春置八大夫官大人下置三屬官摠理万  
机故世號八公太帝二年夏置六部大人官有天地東西  
南北部皆以諸侯為之大人置三屬官自太祖至高祖其  
內外百官屢有戒置或出當時不為常自如方騎飛鴻常  
忠直意將軍之徒是也

賈誼新書曰王者官人有九等一曰師二曰友三曰大臣  
四曰左右五曰侍御六曰廝役知是以為源泉行足以為  
儀表問焉則應求焉則存者為之師知是以為確礪行足



以為輔助明於廷賢敢於退不肖內正外相揚美謂  
之友智足以謀國事行之以為民率仁足以合上下之忻  
國有法則退而守之君有禮則與民死之者大臣也修身  
正行不愆於鄉與言語談說不作於朝廷智識不困於事  
業服一介之使能合兩君之歡抗戰君能舉君之過失不  
難以死持之者左右之臣也不貪於才不淫於色事君不  
敢有二心君則不敢泄君之謀君有過失雖不能正諫以  
其死持之而愁悴有憂色者侍御之臣也唯諛之行唯言  
之聽聒聒之間事君者斯後也

通典曰唐開元元年刊定職次著之為正蓋尚書省以統會  
衆務奉持綱目門下省以待從獻替正祝駁非宜中書省以

又曰田蚡為丞相絀黃老刑名百家之言延文學儒教者  
數百人儒猶是興

又曰丞相有病皇帝法駕親至問疾及瘳視事則賜以養

牛上尊酒如淳曰律稻米一斛得酒一斗為上尊糶米一

斗得酒一斛為中尊粟米一斗得酒一斛為下

尊顏師古曰稷即粟也中尊者宜為黍米不當言稷且作

酒自有壞淳之異為上中下耳非必繁於米也

詔曰有天地大變天下大過皇帝使侍中特節乘四白馬

賜上尊酒十斛牛一頭策告殃咎使者去半道丞相追上

病使者還未白事尚書以丞相不起病聞若丞相不勝任

使者策書駕駘馬即時赤衣步出府免為庶人若丞相有  
他過使者奉策書駘騮馬即時步出府乘棧車牝馬歸田  
里思過



又曰大司空朱博奏曰帝王之道不必相襲高帝置御史大夫次丞相典政度以職相參歷載二百天下安寧今更大司空與丞相同故事選中二千右為御史大夫任職者為丞相位次有叙所以尊聖德重國相也今中二千石未更御史而為丞相非所以重國政也臣願罷大司空以御史大夫為百僚師表詔從之

又曰相國丞相皆秦官金印紫綬掌承天子助理萬機秦有左右丞相高帝更名相國蕭何曹參並為之哀帝更名大司徒

漢書曰李適自為宰相謝病不視事連年乞骸帝每優寵之令以公位歸第養疾

漢舊儀曰丞相車兩黑轎騎者戈絳椽吏見禮如師白錄不拜朝示不臣也聽事閣曰黃閣無鍾鈴

漢雜事曰田蚡為丞相中二千石拜謁蚡不為禮汲黯為主爵都尉見蚡未常拜揖之而已

漢舊儀曰丞相有病皇帝法駕親至問疾薨即移於第中賜棺賻葬地葬曰公卿以下會送

應劭漢官曰丞相有疾御史大夫日一問起居百官亦如之

魏志曰曹公二十三年三月三公官置丞相御史大夫夏六月以公為丞相

又曰鍾繇字元常魏國初建有大司徒遷相國文帝在東宮



賜繇五熟金為之盤曰於燕有魏作漢藩輔厥相惟鐘寔  
幹心膺靖公既之適道之安處百僚師師惜茲度矩

蜀志曰諸葛亮之遺軍次祁山魏明帝使張郃距亮亮使  
馬謖督諸軍在前馬謖違亮却度為所破戮以謖謝衆上  
疏自貶以右將軍行丞相事

吳志曰張昭字子布初孫權當置丞相衆議歸昭權曰方  
今事穢充者貴重非所以優也後孫劭卒百僚復舉昭權  
曰孤豈為子布愛乎顧丞相事煩而此公性剛所言不從  
怨咎將至非所以益之

又曰顧雍為丞相孫權常遣中書郎詣雍有所諮訪若合  
雍意事可施行雍即與相反覆究而論之為設酒食如有  
不合雍即正色改容嘿然不言無所施設即退告權權曰  
顧公惟悅是事合宜也其不言者是意未平也孤當重思  
之其見敬信如此

又曰萬或為右丞相王蕃謂或曰魚潛於淵出水吹沫何  
則物有本性不可橫處非分也或出自溪谷羊質虎皮虛  
受光赫之寵跨越三九之位大馬猶能識養將何以報厚  
世乎或曰唐虞之朝無謬舉之材造父之門無駑蹇之質  
曰上誣明選下訕禎幹亦何傷於日月多見其不知量耳  
又曰顧雍字元歎吳郡人也代孫邵為丞相平尚書事其  
所選用文武將吏隨能所任心無適莫時叻逮民間及政  
職所宜輒密以聞若見納用則歸之於上不用終不宣泄



權以此重之

又曰步騭字子山代陸遜為丞相猶誨育門生于不釋書被服居處有如儒生然門內妻妾服飾奢綺頗以此見譏又曰陸凱迂丞相孫皓性不好人視以群臣侍見晴莫政迂凱說皓曰夫君臣無不相識之道若卒有不虞不知所赴皓聽凱言視

晉書曰東海王越為太傅問王尼何以獨不拜尼數越事非宰相以是不拜

又曰山濤薨魏舒領司徒有頃即真舒居位持重為任職不顯人之短咸推有宰相望祿賜散之九族家無餘財齊書曰褚淵美儀貌善容土俯仰進退盛有風則每朝會

百僚遠國莫不延首目送之宋明帝常歎曰褚淵能遲行緩步便特此得宰相矣

又曰明帝願命江祐兄弟及始安王遙光尚書令徐孝嗣領軍蕭坦之更日帖勅時呼為六貴皆宰相也

齊職儀曰相國綠綬綬衮冕服湯以伊尹為宰相仲虺為右相高宗得傳說立為相魏相王以公孫衍為相邦趙孝成王以庶頗為相國



太平御覽卷第二百五

職官部三

丞相下

唐書曰貞觀二年太宗謂侍臣曰中書門下機要之司擢才而居任委實重詔勅如有不便皆須執論比來唯覓阿旨順情遂無一言諫諍者豈是道理若為署勅行文書而已人誰不堪何須揀擇以相委付自今已後詔勅疑有不穩必須執之

又曰米恒及第濟相次知政事時以為榮初濟父護兒在隋為猛將而恒濟俱以學行見稱時虞世南子昶既無才術歷將作少匠工部侍郎累居工作之司濟忽升相位許



敬宗歎曰士之登庸不繁世業履道則為衣冠失緒則為匹庶求護兒兒作宰相虞世南男作木匠忠賢文武固無種也

又曰杜景儉為相則天常以季秋月出梨花一枝示宰臣曰是何祥也諸宰臣曰陛下德及草木故能秋木再花雖周文德及行葦無以過也景儉獨曰謹按洪範五行傳陰陽不相奪倫瀆之即為災又春秋云冬無愆陽夏無伏陰春無淒風秋無苦雨今已秋矣草木黃落而忽生此花清陰陽也臣慮陛下布教施令有虧禮典又臣等漆為宰臣助天理物理而不和臣之罪也於是再拜謝罪則天曰卿真宰相也

又曰武太后嘗召陸元方問以外事對曰臣備位宰相有大事即奏人間碎務不敢以煩聖覽

又曰蘇味道遷鳳閣侍郎同鳳閣鸞臺三品味道善敷奏多職臺閣故事然而前後居相位數載竟不能有所發明但脂韋其間苟度取容而已故時人號為摸稜手以為口實

又曰宇文融既居相位欲以天下為己任謂人曰使吾居此數月庶令海內無事矣於是薦宋璟為右丞相裴耀卿為戶部侍郎許璟為工部侍郎甚允朝廷之望

又曰牛仙客既居相位獨潔其身唯諾而已所有錫賚皆緘封不敢費之百司或有所諮決輒對曰但依令式即可



若不依文非所知也

又曰開元二十二年十一月制宰相兼官者並兩給者俸祿

又曰楊綰素以德行著聞質性貞廉車服儉朴居廟堂未數日人心自化御史中丞崔寬劍南西川節度使寧之弟家富於財有別墅在皇城之南池館臺榭當時第一寬即日潛追毀拆中書郭子儀在邠州行營聞綰拜相座內音樂減轍五分之四京兆尹黎幹以承恩每出入騶馭百餘亦即日減損車馬唯留十騎而已其餘望風變奢從儉者不可勝數其鎮俗移風若此

又曰肅宗時天下事殷而宰相不減三四負更直掌事若休沐各在第有詔日出入非大事不欲歷抵諸弟肅宗許令直事者一人假署同列之名以進遂為故事

又曰李峴為黃門侍郎同中書門下平章事宰臣不於政事堂邀客時海內多務宰相元載非見中官宣傳恩詔至中書者引之政事堂上仍置榻坐焉峴至叱左右去其榻也

又曰柳渾與張延賞同在相位延賞怙權矜已而嫉渾守政俾其所厚謂渾曰相公舊德但節言於廟堂則重位可久答曰為吾謝張相公柳渾頭可斷也言不可絕自是竟為延賞所擠尋除右散騎常侍罷知政事

又曰柳渾為相而歸滉自浙西入覲朝廷委政侍之至於



謂兵食籠鹽鐵勾官吏賦罰鉅豪強兼汙上妄伏為每奏  
事或日干他相克位而已公卿救過不能戰無敢枝梧者  
澆於省中榜吏至死渾雖澆所引心惡之專改正色諫之  
曰先相公徇察為相不滿歲而罷今相公榜吏於省中至  
死况省闈且非刑人之地相公柰何蹈前非刑於今朝專  
立威福豈尊主俾臣之義也澆感悟愧悔為霽威焉

又曰李晟之在鳳翔也謂賓介曰魏徵能直言極諫致大  
宗於堯舜之上真忠臣也僕所慕之行軍司馬李叔度對  
曰此縉紳儒者之事非勲德所宜晟歛容曰行軍失言傳  
稱邦有道危言危行今休明之期晟幸得備位將相必有  
不可忍而不言豈所謂有犯無隱知而不為者耶是非在

入惟所擇耳叔度慙而退故晟為相每當上所顧問必極  
言匪躬盡大臣之節沉默未嘗泄於所親

又曰關立本為右相與左相姜恪對掌樞密恪既歷任將  
軍立功塞外立本惟善於圖畫非宰輔之器故時人以千  
字文為之語曰左相宣威沙漠右相馳譽丹青

又曰皇甫鏗陰結權倖以求宰相崔郡累疏其奸邪嘗因  
對面對論上及天宝開元中事鏗曰安危在出今存亡繁  
所任玄宗用姚崇宗璟張九齡韓休李元絃杜暹則理用  
李林甫楊國忠則亂人皆以天宝十五年祿山自范陽起

兵是理亂分時臣以為開元二十六年羅貨相張九齡專任  
奸臣李林甫理亂自此已矣夫用人得人所繫非小詞意



激切左右為之感動縛深御之而意不終用縛為宰相  
又曰李絳為相同列李吉甫便僻善逢迎上意絳梗直多  
所規諫故與吉甫不協以吉甫通於承權故絳亦  
惡之絳性剛訐每與吉甫爭論人多直絳憲宗察絳忠正  
自立故絳論奏多所允從

又曰貞元九年詔宰相以旬秉筆決事初至德中宰相迭  
秉筆處斷每月一易及賈耽趙憬陸贄盧邁同平章政  
事百寮其所關白更相讓不言於是奏議請旬秉筆者出  
應之其後又請每日更秉其必迭以應事皆從之

又曰李藩拜門下侍郎時王錡領太原用錢千萬賂貴倖  
求兼相藩與權德輿在中書有密旨曰王錡可兼宰相宜  
即擬來藩遂以筆塗兼相字兼却奏上云不可德輿失色  
曰縱不可宜別作奏豈有以筆塗詔耶曰勢迫矣出今日  
便不可止日又暮何暇別作奏事果寢

又曰韓弘入朝以宣武舊事人多流言其子公武以家財  
厚賂權幸及多言者班列之中悉受其遺俄而父子俱辛  
孤孫幼子穆宗恐為廝莽竊盜乃令中使至其家閱其宅  
簿以付家老而上簿上具有納賂之所唯於牛僧孺官側  
朱書曰某月日送牛侍郎物若干不受即付訖穆宗按簿  
甚悅居無河議命相帝首可僧孺之名

又曰李程為相敬宗冲幼好治宮室畧遊無度欲於宮中  
營新殿程諫曰自古聖帝明皇以慈化天下陛下在諒



閭之中不宜興作願以瓦木迴奉園林上忻然從之

又曰文宗問宰相曰天下何由太平卿等有意於此乎牛僧孺奏曰臣等待罪輔弼無能康濟然臣思太平亦無象今四夷不至交侵百姓不至流散上無以滯雲下無怨讟私室無強家公訟無壅滯雖未及至理亦謂小康陛下若別求太平非等上所及既退至中書謂同列曰吾輩為宰相天子責成如是安可久處茲地邪旬日間三上章請退不許

又曰常處厚為相時文宗勤於聽政然浮於決斷宰臣奏事得請往中變處厚嘗獨論奏曰陛下不以臣等不肖用為宰相叅識大政凡有奏請初蒙聽納尋易聖懷持出宸衷即示臣等不信若出於橫議臣等何名鼎司且斐度元勳宿德歷輔四朝孜孜竭誠人望所屬陛下固宜親重竇易直良厚忠事先朝陛下固當委信微臣才薄首蒙陛下擢用非出他門言既不從臣宜先退即趨下拜陳乞上矍然曰何至此耶卿之志朕欽素自知登庸作輔百職斯舉縱朕有所失安可處辭以彰吾薄德處厚謝之而去出延英門復召還謂曰凡卿所欲言並宜啓諭處厚因對彰善癉惡歸之法制凡數百言又言裴度勲高望重為人盡心切直宜久任可以壯國威帝皆聽納自是宰臣敷奏人不敢橫議

又曰文宗朝宰臣楊嗣復因對奏曰使府判官令人數狼



多徒有費臣歛條疏上曰莫限及才人否嗣復曰有才人自別但澄去滓弊者菁華自出上曰簫復為相難言者必言貞元之名相也卿其志之

又曰宋申錫為相尤以公廉為已任四方問遺悉無受者既被罪為有司驗劾多護其四方受領所還問遺之狀朝野聞之歎息

又曰宋申錫以障王事申錫既被罪怡然不以為意自中書歸私第止于外廳素服以俟命其妻出謂之曰公為宰相人臣位極於此何負天子及乎申錫對曰吾自書生被厚恩擢相位不能鋤去奸亂反為所羅網夫人察申錫豈反者乎因相与泣下數行

又曰李德裕父吉甫年五十一出鎮淮南五十四自淮南復相今德裕自鎮南復入相一如父之年

又曰會昌元年中書奏請依姚壽故事宰臣每月修時政記送史館從之

又曰宣宗時魏謩為相奏曰臣無夔契之才驟叨夔契之任將何以仰報鴻私今邊戍粗安海內寧息臣愚所切陛下未立東信俾正人傳導以存副二之重因泣下上感而聽之先是畧朝人君不欲人言立儲二若非人主已欲臣下不敢獻言宣宗春秋高嫡嗣未辨謩作相之日率先啓奏人士重之

又曰曹確與畢誠俱以儒術進用並居相位廉潔貞苦君



子多之稱為曹畢

又曰蕭道與王鐸並居相位帝常召宰相鐸年高昇階足  
跌陪勾陳中遣旁掖起帝目之喜曰輔弼之臣和子之幸  
也謂遣曰適見卿扶王鐸喜卿善事長矣遣對曰臣扶王  
鐸不獨事長臣應舉事鐸為主司以臣中選門生也上笑  
曰王鐸選進士朕選宰相於卿無負矣遣謝之而退

太平御覽卷第二百五

太平御覽卷第二百五

職官部四

總叙三師

太師

太傅

太保

太宰

總叙三公

總叙二公師

六典曰三師訓導之官也蓋天子所法師大抵無所統職  
然非道德崇重則不居其位無其人則闕之

尚書云成王黜殷威淮夷歸豐作周官立太師太傅太保  
茲惟三公論道經邦勞理陰陽孔安國曰師天子所師法  
傅上稱天子下稱三公於德義禮記云設四輔及三公



不以徒唯其人語便能也

六職云漢承秦制不置三公漢末以太司馬大司徒大司空為三公司傳之官位在三公上後漢因之師傅尊號曰上公置俯僚魏晉江左若然後魏太師太傅太保尊號曰三師後周又為三公隋氏又為三師

### 太師

毛詩曰尹氏太師維周之氏秉國之均四方是維天子是

毗俾民不迷箋云此輔也言尹氏居太師之官持可政之平維制四方

又曰維師尚父時惟鷹揚諒狝武王肆伐大商

大戴禮曰天子不論於先聖之德不知君國畜民之道

不見禮儀之正不察應事之理傳古之典傳不閑威儀

之數禮樂元經李業不法凡是其屬太師之任也

逸禮曰太公為太師周公為太傅名公為太保

史記曰周文王得呂尚于磻溪以為師謂之太公武王嗣

位號曰師尚父成王即政尊為太師

漢書音義曰師訓也

應劭漢官威曰孝平皇帝元始元年太后詔曰太師光今

年老有疾俊又大臣惟國之重書曰无遺老成國之將與

尊師重傳其令太師无朝十日一賜餐賜以靈壽杖黃門

令為太師于省中施坐置几太師入省用杖焉

續漢書曰趙典薦李博文宜佃國師即帥也

獻帝春秋曰董卓自號太師御史中丞以下皆拜皇甫嵩



與卓爭權後嵩為中丞見卓拜卓曰可以服未嵩曰安知  
明公乃至于是卓曰鴻鵠固有遠志但燕雀不知耳嵩曰  
昔并明公俱為鴻鵠但公今日變為鳳凰卓笑曰卿卑服  
何得不拜

晉書戴記曰蜀李壽以安車束帛聘龔犛為太師犛固辭  
特聽縞中素帶居師友之位

宋書曰太師太傅太保為三公訓護人主導以德義天子  
加拜待以不臣之禮非人則闕矣漢至保傅在三公上號  
曰上公自后常然

隋書曰高祖受禪李穆來朝高祖降坐禮之拜太師贊拜  
不名貞食成安縣三千方于是穆子孫雖在襁褓拜儀同

贊拜不名貞食成安縣二千戶於是穆子孫雖在襁褓

保義其一門執象笏者百餘人穆之貴盛當無比

唐書曰太宗降手詔朕觀前代明王聖主曷嘗無師傅哉  
况朕鍾百王之末智不周物其無師傅何以匡朕之不逮  
詩不云乎不愆不忘率由舊章宜依古道置三師位也  
通典曰太師古官殷紂時箕子周武王時太公成王時周  
公並無太師周公薨畢公代之秦及漢初並無至平帝元  
始元年初置以孔光居為金印紫綬位在太傅

太戴禮曰傳傳德天子無恩於父母不惠於庶人  
無禮於大臣不中於天子無恩於父母不惠於庶人  
侯不議於戎事天子無恩於父母不惠於庶人  
侯不議於戎事天子無恩於父母不惠於庶人



之屬太傅之任也

漢書曰王莽權傾五霸心竊神器不知所出上書乞骸骨莽

白太后帝幼小宜親政宿衛明年光為太師莽為太傅

光常稱疾不敢與事

漢書音義曰備廢也

東觀漢記曰詔云行太尉事趙喜三葉在位為國元老其以喜為太傅

又曰胡廣為太傅摠錄尚書事時年八十而心力克壯母在堂朝夕瞻省傍無几杖焉不稱達老練事體明解朝章雖無蹇直之風屢有補禪之益

又曰單茂字子康世子即位茂請元年七十餘拜太師

後魏書曰任城王澄為中書令蕭願使瘦華來朝見澄音韻道雅風儀秀逸謂主客郎張尋曰往魏任城以武著稱今魏任城乃以文見美也

又曰高允高祖禮敬其重晨入暮出或積日居中朝臣莫知所論或有上書言得失者高宗省而謂厨臣曰君父一也父有是非子何為不能書諫之俱人知惡而於家內隱處也豈不以父親恐惡彰於外也今國家善惡不能面陳而上表顯諫此豈不彰君之短明己之美至如高允者貞忠臣矣朕有上恒上言而論至哉下不可聞者皆言說無避就朕聞六逆而天下不知其言者汝等在左右曾不聞一二臣向朕言事也



左右徒立勞曰昔至公主... 汝等不自魏正於走拜允中書

又曰高允字伯恭為中書令... 直之不名恒呼為令公

又曰高允拜中書令司徒陸麗曰... 高允雖家寵待而家貧

布衣妻子不粒高宗怒曰何不先言... 今見朕用之方言其

貧是日華允第惟草屋數間布衣被... 緼袍厨中藍菜而已

高宗歎息曰古人之清豈有此乎... 即賜帛五百疋粟千斛

唐書曰武德年嘗有勅而中書門下... 不特宣行高祖責其

遲由內史令蕭瑀曰臣大業之日見... 內史宣勅或前後相

乖者百司行之不知何所承用所謂... 易雖在前難必在後

臣在中書曰久備見其事今皇階初... 溝事涉安危若遠方

傳再為太師曰古人臣不間此例欣... 遜謝而已

北齊書曰高歸彥作託異州詔段... 欽與東安王婁叡率眾

討平之遷太傅賜女樂十人并歸... 彥果園一千畝

後周書曰王盟為太傅明姿度弘... 雅仁而汎愛雖位居師

傳禮冠群后而謙恭自處未嘗以... 勢位驕人魏文帝甚尊

重之

賈誼新書曰昔周文王使太公望... 傳太子發嗜鮪魚

而公弗予文王曰發嗜鮪魚何為... 弗予太公曰禮鮪魚不

登乎俎豈有非禮而可以養太子... 哉

語齊曰太傅府有三才裴邈清才... 潘陽中大才劉慶孫長

才



項群言系于口而研覈是非典誥總乎心而唯所用之者  
鍾太傅也

王虞之保傳箴曰保傳之賢明宗國寧輔弼之不忠禍及  
于躬無曰父子無間昔有藩崇無曰至親無二容江充

### 太保

周禮曰保氏掌諫王惡諫者以禮義正之也

大戴禮曰天子處位不端受業不敬言語不序聲音不中  
律進退升降不以禮俯仰周旋節凡此之屬太保之任  
也

尚書太傅曰成王在豐欲宅洛邑使召公无相宅六日乙

未王朝步自周則至于豐惟太保先周公相宅太保召公

親洛邑也

應邵漢官曰太保古官也保養也

晉書曰王祥字休徵泰始元年拜太保三年御史中丞侯

史光上言祥久以疾病闕廢朝會應免官詔曰太保耆文

元老高行清粹朕所毗倚以隆道弘治者也前後遜讓不

從所執此非自司所得議也其寢光奏

晉起居注曰太保衛瓘明允篤誠有匪躬之志其給千兵

騎百人

齊職儀殷太甲時伊尹為太保周成王時召公為太保

佳鴻十六國春秋蜀李雄錄曰雄異母兄始字伯敬為太



保善撫士衆七多歸之時人為之語曰欲養老屬太保  
呂氏春秋曰荆文王得如黃之狗宛路之贈以田於雲夢  
三月不反得丹陽之姬暮年不聽朝保申曰先王不以臣  
為保吉今王暮年不聽相王之罪當笞王大臣將笞上七  
曰不穀免於襁褓而齒於請侯願請變更而無笞保申曰  
臣承先王之令不敢廢也王不受笞是廢先王之令也臣  
寧抵罪於先王七日敬諾引席王伏保申束細箭五十跪  
而加之于背如此者冉謂曰王起王乃變更召保申叔知  
黃之狗折宛路之贈放丹陽之姬燕國三十九保申之力  
也

太宰

周禮天官上曰太宰之職掌建邦之六典佐王治邦國

又曰太宰以九兩繫邦國之民兩猶合之言摯者以准

尚書伊訓曰百官總已以聽冢宰伊尹乃明言烈祖之成

德以訓于王易有功烈之祖故稱言叨即大申也

又曰冢宰統百官均四海

家語曰官屬不治分職不明法政不一百事不記曰亂七

則飾冢宰飾明整攝

晉書曰武帝時何曾屢上書遜位詔以司徒所掌煩務不

可以久勞者艾其進位太宰朝會乘輿劍履不殿以漢蕭

何魏鍾繇故事

又曰何曾為太宰年老禮優每召見勅以掌所飲食服物



自隨令二子侍

又曰太宰兼與王導同受顧命輔成帝時帝幼冲詔兼依安年獻王孚故事設牀帳分殿上帝親迎拜

又曰安帝以太宰瑯琊王憲文不且嬰弗事務以紆論道

之重可來冕友服綠縶音受羽葆鼓吹又曰縶草名也出

聊邪平消縣以雙河

晉公卿禮秩曰安平王孚朗陵公何曾汝南王亮皆為太

宰

齊職儀曰太宰品第一金章紫綬佩山玄五堯命羲和使

主陰陽之職羲百司天即天官也后魏伏事虞夏敬授民

時尊稷為天官夏殷稷為不宿失官由是廢稷殿以其官

為冢宰周公在鄴為太宰邵公又居之秦漢魏無其職晉

武以從祖安平王孚為太宰安平薨省咸寧四年又置或

謂本太師之職避景皇諱改為太宰周之卿位晉武依周

置職以尊安平非避諱也元興中恭帝為太宰相玄都督

中外博士徐豁議太宰非武官不應都督非從豁議

後周書曰文帝依周禮建六官遂置天官大冢宰卿一人

掌邦理以建之六典佐皇帝理邦國

通典曰太宰於殷為六太於周為六卿亦曰冢宰周武王

時周公始居之掌建邦之理秦漢魏並不置晉初依周禮

備三公三公之職居太師首景帝明師故置太宰以代之

而以安平獻王孚居焉



仲長統昌言曰家宰堯官也尚書曰冢宰一日掌邦治官  
府以紀萬民二曰教典以安邦國以教官以擾萬民三曰  
禮典以統百官以和邦國以諧萬民四曰政典以平邦國  
以正百官以均萬民五日刑典以詰邦國以任百官以生  
萬民魏温子昇為上黨王穆讓太宰表曰臣聞策窳長途  
終慙一日之致懸縷層臺難任千鈞之重固知才弱不可  
自強力微難以企及智小謀大恐貽折足之憂才輕任重  
懼有絕贖之悔既慮錄金固陳匪石

總叙三公

六典曰三公論道之官也蓋以佐天子理陰陽平邦國所  
統故不以一職名其官

尚書曰惟茲三公論道經邦燮理陰陽

周禮曰三槐三公位焉

公羊曰三公者何天子之相

春秋漢含孳曰三公在天為三台九卿為北斗三公為五  
嶽九卿法河海二十七大夫法山陵八十一元士法合身  
合為帝佐以匡綱紀

史記曰公孫弘以春秋白衣為天子三公漢初因秦置丞  
相而弘為之則丞相為三公矣

漢書曰六符孟康曰秦階三台也凡六星也六符星之符驗也

晉書曰文帝為晉王何曾與高柔鄭冲俱為三公將入見  
曾獨致拜盡敬二人猶揖而已



晉官品令曰三公線綬綬也

宋志曰三公黃閣前史無具義按禮記曰士鞮與天子同公侯大夫則異鄭玄注云士賤與君同不嫌也夫朱門洞啓當陽之正色也三公之與天子禮秩相亞故黃其閣以示謙不敢斥天子宜是漢來制也

通典曰隋置太尉司徒司空以爲三公參議國之大事依北齊置府寮無其人則闕祭祀則太尉亞獻司徒奉俎司空行掃除其位多曠行事則攝

天文錄曰三台星一名三能一名天柱三公之位也在人曰三公天曰三台

陶氏職官要錄曰三台擬三公黃帝以風后配上台天老

配中台五聖配下台

韓子曰背私曰公三象鼎足數三法光

傅子曰三公者佐天子理陰陽

環濟要畧曰三公者象鼎三足共承其上也

說苑曰三公正天下調陰陽節風雨

右今通語曰異宮同爵共位別職與仁隆化幽贊神明者謂之太尉和五教理人倫使風行俗平万国咸寧者謂之司徒使國無枉理法錯刑清事均民聚者謂之司空若仁義之路開和平之氣通則五星順行庶績咸熙

李固奏記曰湯問伊尹公卿大夫其相何如伊尹對曰三公智通大道應變不窮者也其言足以調陰陽正四時節



風雨非大罪不遜位

太平御覽卷第二百六

太平御覽卷第二百七

職官部五

太尉

司徒上

太尉

禮記月令曰孟夏之月命太尉贊傑俊蔡邕章句曰

春秋運斗樞曰赤龍負圖以出河見堯與太尉舜等百二

十臣柒發職大麓

春秋合誠圖曰堯坐中舟與太尉舜臨觀鳳凰授圖

史記曰孝惠帝六年置太尉官

漢書曰太尉官也掌武事

又曰高祖言周勃重厚而少文然安劉氏者必勃也可為



太尉

東觀漢記曰劉彪字智伯為太尉在位清白廉讓以率下  
又曰張輔字孟侯為太尉父尚在輔每遷轉乃列解  
來適會正臘公卿罷朝俱賀歲奉酒上轉父壽極欣驩莫  
不嘉其榮也

後漢書曰楊震字伯起嘗客於湖水外不答州郡禮命數  
十年衆人謂之晚暮而震勵志踰篤後有鸛雀鱣魚飛  
車講堂前部講取魚進曰凡鱣者卿大夫之服象也數三  
者法三台也先生自此昇矣俊果位至太尉

又曰劉寬為太尉靈帝頗好學藝每引見寬令講經寬嘗  
坐被酒睡伏波加為帝問太尉醉耶寬仰對曰臣不

敢醉但任重責大憂心如木

又曰張禹為太尉時連歲災荒府藏空虛禹上疏求入三  
歲租稅以助郡國廩假稟給也許之

又曰楊震代劉愷為太尉帝男大鳴驢耿寶薦中常侍李  
閏兄於震上不從寶乃自往候震曰李常侍國家所重款  
令公辟其兄寶准傳上意耳言非已未心震曰如朝廷款  
令二府辟公固宜有尚書職遂拒不許寶大恨而去

又宦者傳曰桓帝時皆賂中官及輸西園錢一億萬  
故位至太

續漢書百官志曰太尉一人掌位岳事物功課歲盡則奏  
其殿最而行賞罰世祖即位為右司馬



又曰太尉郊廟掌亞獻人告謚南郊

又曰王龔為太尉在位恭慎自非公事不通州郡書記其所辟命皆海內長者

謝承後漢書曰鄭弘為陵淮太守行春有二白鹿隨車夾轂而行弘怪問主簿黃國鹿為吉凶賀曰聞三公車轡盡作鹿鳴府當為宰相弘後果為大尉

又曰陳蕃拜太尉臨朝嘆曰黃憲若在不敢先佩印綬

又曰鄭弘字巨君為太尉舉將第五倫為司空班位在下每正朝見弘曲躬自卑帝知遂置雲母屏風分隔弘由此以為故事

又曰京兆朱寵字仲威為太尉家貧食脫粟飯卧布被朝

廷楊錦被梁肉皆不敢當

華嶠後漢書曰安帝即位太尉徐防以災異寇賊策免就因凡三公以災免自防始也

袁山松後漢書曰太尉曰虞讓位於羊續聖帝時為三公者皆輸禮錢千萬續舉襁袍以示之曰臣之所有唯此而已逐不代虞

張璠漢記曰楊秉字叔卿為太尉嘗曰我有三不惑酒色財也天下稱焉名公

漢書白官表曰太尉秦官金印紫綬掌武事周勃漢夏周亞夫等為之

又百官表注曰太尉右官也自上受下曰尉故官以為號



應邵漢官儀曰章帝詔曰司空牟融典職六年勤勞不怠其以融為太尉錄尚書事

又曰冲帝冊書曰太尉趙峻或掌樞衡有匪石不貳之心又曰三公國之禎幹朝廷取正以成斷金太司農李固公族之苗忠正不撓有史魚之風共以固為太尉

又曰河間相張衡說明帝以為司徒司空府以治欲更治太尉府公南陽趙喜也西曹掾安舉郎君素好名節以為朝廷新造北宮整飭宮寺今府本館陶公主有舍員職鮮少自足相授喜表陳之即見聽許其冬帝辛辟雍歷二府光矧壯麗血太尉府獨卑陋顯宗策頌嘆息曰屠牛爨酒物今乞兒為宰

幽明錄曰桓大司馬鎮赭圻時有何參軍晨出行於田野中溺死人髑髏上還晝還寢夢一婦人語云君是佳人何以見穢污暮當令知之是時有暴虎人無敢夜出者何常穴壁作溺穴其夜趨穴欲溺虎怒嚙斷陰莖即死

又曰晉孝武帝母李太后初給賦役簡文無子曾遍令善相者相宮人李太后不豫焉相者指之曰此當生貴子而有虎色帝因幸之生孝武帝會嵇王道子既登尊位服相者之見而惟有虎害且生所未見乃令人畫作虎象因以手撫欲打虎戲患手腫痛遂以疾崩

神仙傳曰介象外出翼遇神仙卧石上有一虎往舐象額寤而見虎謂虎曰天使汝來侍衛我者汝且停若山人使



汝來試我者汝自去虎乃去

搜神記曰蘇易者廬陵婦人善看產夜忽為虎所取行六里至入曠厝易置地躡而守見有牝虎當產不得解匍匐欲死輒仰視易悟之乃為探出之有三子生牝畢虎負易再三送野肉於門內

文曰漢江之域豕人能化為虎長沙居民作檻捕虎檻發明日衆人共徃格之見一亭長赤幘大冠共檻中坐民間君何以入此中亭長大怒曰昨被縣召夜避雨誤入此中急出我民曰君見召不當有文書即出懷中召文書於是出之尋視之化為虎即上走

續搜神記曰丹陽人沈宗居在縣下以下為業義熙中左

吳志曰孫皓詔王范懷勲德但茂朕所敬憑宜登三公以副聚豎可為太尉

晉中興書曰郗鑒為太尉雖在公位冲心愈約勞績日亥誦翫墳索自少及長身無擇行家木書生後因喪死鮮巾從戎非其本願常懷慨然咸康五年秋寢疾上䟽遜位優詔不許

又曰桓温授侍中太尉固讓不受旬月之中使者八至輕軒相望於道温送親職

謝靈運晉書曰秦言太尉掌兵漢仍修之或置或省是故司馬之官主九代之職

齊職儀曰魏文黃初二年日蝕奏免太尉賈詡詔天地災



害責任朕躬勿貶三公遂為永制

五代史後唐書親宗御文明殿冊齊王張全義為守太尉如常儀禮畢全義於尚書都省領事宰臣群言在知在議竇專不降階為之史所劾專援引舊典以對時宰臣不記故事無能詰寢而不行

汝南先賢傳曰陳蕃拜太尉讓曰齊七政訓五兵臣不如議郎王暢

天文錄曰三公星在北斗杓南主宣德化和陰陽若今太尉司空之象也

勢虞冊隴王太尉文曰朕唯君行為時表親則宗臣論道經邦保乂皇家是用進登上台

司徒上

尚書舜典帝曰契百姓不親五品不遜五品五常汝作司

徒而敬勳五帝之教五教在寬務在寬也

禮記玉制曰司徒脩六理以節民性明七教以與民德齊八政以防民淫一道德以同欲養耆老以致孝恤獨以逮

不足上賢以崇德簡不省黜惡司走也官掌都教也

又曰令曰孟夏之月司徒行縣鄙蔡邑月令章句曰司徒教官也

又曰契為司徒而民成謂知五教之禮也

毛詩緇衣曰緇衣美武公也父子並為周司徒善干其職罔人宜之故美其德以明有國善善有功焉

周禮曰乃立地官司徒徒師其屬而掌邦教以左王安擾邦



國優亦安也又曰大司徒之職掌建邦之土地之圖與其人民之數以匡王安擾邦國以天下土地之圖周知九丹之域廣輪之數辨其山林川澤丘陵墳衍原隰之名物

又曰地官曰大司徒之職凡建邦國以土圭土其地而制其域土其地一音言

又曰大司徒之職以五禮防萬民之偽而教之中禮所以

其信為使以六樂防萬民之情而教之和樂所以蕩正民

又地官曰大司徒之職以保息六養萬民一曰慈六安幼

保息長安之也慈二曰養老三曰振窮四曰恤貧五曰寬

疾六曰安富女富為安其

春秋傳曰祝鳩氏司徒也

尚書太傳曰百姓不親五品不訓則責司徒

韓詩外傳曰君臣不正人道不和國多盜賊人怨其上則責之司徒

論語摘輔像曰仲尼為素王顏淵為司徒

家語曰地宜不殖則物不畜萬民飢寒教訓不行風俗渾

僻人民流散曰危七則飭司徒飾謂

漢書曰祝良字仲子東海人為大司徒鮑恢為長史以事

至東海過其家見良妻布衣徒跣民柴從田中歸恢告曰

我司徒史也故來授書欲見夫人妻曰妾是也若祿耶恢

下拜之嘆息而歸



東觀漢記曰鄧禹為司徒討赤眉不以時進光武書司徒  
堯也赤眉傑也今長安飢民孰不延望

又曰袁安為徒司每朝會小憂念王室未嘗不流涕

又曰郭丹為徒司在朝名清廉公正

後漢書曰蔡茂字子禮代戴涉為司徒在職清儉匪懈茂

初在廣漢急在大殿之極上有三穗禾茂跳取之得其中

穗輒復失之主簿郭賀離席慶曰大殿者官府之形象也

極而有禾人臣之上祿也取其中穗中台之位也於字禾

失為秩雖曰失之乃以得祿佚也衮職有關君其補之旬

月而茂徵焉辟賀為掾

又曰光武即位高邑使使者持節拜鄧禹為大司徒策曰

前將軍禹深執忠孝與朕謀謨帷幄決勝千里孔子曰自

吾有回門人日親斬將軍被軍平定山西功效尤著百姓

不親五品不訓汝作司徒教數五教在寬今遺羣車騎都

尉授印綬封為鄧侯邑萬戶其敬之哉因時年二十四矣

又曰范遷為司徒自宅數畝田不過一頃復推與兄子其

妻常謂曰君有四子而無立錐之地

又曰張湛稱疾不朝後大司徒戴涉被誅涉字叔平冀州清河人也坐所

金下監帝強起湛以代之湛至朝堂遺矢溲便溲小便也音所流

反因自陳疾篤不能復任朝事遂罷之

又曰馮勤遷司徒先是三公多見罪退帝賢勤欲令以善  
自終因讌見從容戒之曰朱浮上不忠於君十陵轢同列



竟以中傷至今朱浮為太司空坐賣弄國忍免又為

死生吉凶未可知豈不惜哉人臣放逐受誅雖復追嘉賞

賜賻祭不足以償不訾之身訾量也言無可比之忠臣

孝子覽照前代以為鑑誠能書忠於國事君無二則爵賞

光乎當代功名列於不朽可不勉哉勤愈恭約盡忠號猶

任職

又曰宣秉字巨公拜大司徒所得俸祿以收養親族自無

儋石之儲

又曰鮑昱代王敏為司徒賜錢帛什器帷帳

又曰司徒一人掌人民事凡教民孝悌遜順儉養生送死

事則議其制建其度凡四方民事功課歲盡則奉其殿最

漢行罰九郊祀之事掌牲祀濯

謝承後漢書曰劉寵為司徒卧粗布被

漢官典職曰司徒本丞相官哀帝改為大司徒主司徒衆

馴五品府與蒼元闕對厭於尊者不敢稱府也

魏志曰華歆字子魚拜司徒歆素貧祿賜以賑施親戚故

人家無擔石之頃公卿嘗並賜沒入生口唯歆出而嫁之

帝嘆息下詔曰司徒國之雋老所與和陰陽理庶事也今

太官重膳而司徒蔬食甚無謂也特賜衾衣及其妻子男

女皆作衣服

又曰黃初元年改相國為司徒銜史大夫為司徒空奉掌

郎中令為太司徒



魏名臣奏曰黃門杜恕奏曰漢故事人民病疾責之司徒  
蜀志曰許靖字文休及先主即尊號策靖曰朕獲奉洪業  
君臨萬夙霄徨徨不能綏百姓不親品不遜汝作司徒其  
敬敷五教在寬石其最哉秉哉無怠稱朕意焉靖雖年踰  
七十愛樂人物納誘進清談不倦丞相諸葛亮皆為之拜  
吳錄曰丁固為司徒初為尚書夢松樹生其腹上謂人曰  
松字十八公也後十年吾當為公平遂為夢焉



